



CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 02-1-16-7-27-1/25
Sarajevo, 17.01.2025. godine

Na osnovu člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), člana 24. tačka b) Zakona o internoj reviziji institucija Bosne i Hercegovine ("Službeni glasnik BiH", br. 27/08 i 32/12) i člana 5. stav (1) tačka b) i c) Odluke o uspostavljanju Centralne harmonizacijske jedinice Ministarstva finansija i trezora Bosne i Hercegovine ("Službeni glasnik BiH", broj: 60/24), a u skladu s Odlukom o usvajanju Strategije razvoja sistema internih finansijskih kontrola u institucijama BiH ("Službeni glasnik BiH", broj 43/20), direktor Centralne harmonizacijske jedinice Ministarstva finansija i trezora Bosne i Hercegovine, *donosi*

**PLAN I PROGRAM OBUKA
ZA INTERNE REVIZORE U INSTITUCIJAMA
BOSNE I HERCEGOVINE ZA 2025. GODINU**

**Član 1.
(Predmet)**

Predmet Plana i programa obuka za interne revizore u institucijama Bosne i Hercegovine za 2025. godinu je definiranje programa obuka za interne revizore u institucijama BiH, koje organizira Centralna harmonizacijska jedinica Ministarstva finansija i trezora Bosne i Hercegovine.

**Član 2.
(Svrha)**

Svrha Plana i programa obuka za interne revizore u institucijama Bosne i Hercegovine za 2025. godinu je da se interni revizori u institucijama BiH, u cilju održavanja i unapređenja nivoa stručnosti i kvaliteta usluga koje pružaju:

- (1) usavršavaju i unapređuju svoja znanja, vještine i druge sposobnosti kroz proces kontinuirane profesionalne edukacije i
- (2) upoznaju sa stepenom uspostavljenosti i planiranim mjerama za daljnji razvoj sistema javne interne finansijske kontrole u institucijama BiH.

Član 3.
(Plan i program obuka CHJ MFT BiH)

Plan i program obuka za interne revizore u institucijama Bosne i Hercegovine za 2025. godinu treba pomoći internim revizorima u planiranju edukacija, unapređenju i razvoju njihovih vještina i znanja, u skladu s oblastima definiranim članom 29. Programa obuke i certificiranja internih revizora u institucijama Bosne i Hercegovine (*"Službeni glasnik BiH" br. 7/15 i 89/18* - dalje u tekstu: "Program"), Odlukom o načinu bodovanja, evidentiranja i izvještavanja o kontinuiranoj profesionalnoj edukaciji internih revizora u institucijama Bosne i Hercegovine (*"Službeni glasnik BiH", br. 56/17 i 65/19* – u daljnjem tekstu: "Odluka") i Strategijom razvoja sistema internih finansijskih kontrola u institucijama BiH za period 2020-2025. godina (u daljnjem tekstu: "Strategija").

Član 4.
(Obuke iz oblasti interne revizije)

Iz oblasti interne revizije, Centralna harmonizacijska jedinica Ministarstva finansija i trezora BiH će tokom 2025. godine organizirati, u skladu s Programom i Odlukom, obuke na kojima će se obraditi sljedeće teme:

- (1) Unos podataka interne revizije u PIFC aplikaciju i
- (2) Efektivna komunikacija interne revizije s rukovodstvom institucije.

Član 5.
(Obuke iz oblasti FUK-a)

Centralna harmonizacijska jedinica Ministarstva finansija i trezora BiH će u toku 2025. godine, u skladu sa Strategijom, organizirati obuku za interne revizore u institucijama BiH iz oblasti finansijskog upravljanja i kontrole (FUK) o temama definiranim Planom i programom obuka CHJ MFT BiH iz oblasti finansijskog upravljanja i kontrole u institucijama BiH za 2025. godinu¹.

Član 6.
(Vremenski okvir za održavanje obuka)

- (1) Planirano je da se obuke iz čl. 4 i 5. ovog plana održe kako slijedi:
 - Obuka o temi: "Unos podataka interne revizije u PIFC aplikaciju" u periodu: *I - III kvartal 2025. godine,*
 - Obuka o temi: "Efektivna komunikacija interne revizije s rukovodstvom institucije" u periodu: *III - IV kvartal 2025. godine i*
 - Obuka iz oblasti finansijskog upravljanja i kontrole u periodu: *II - IV kvartal 2025. godine.*
- (2) Polaznici obuka bit će blagovremeno obaviješteni o terminima održavanja obuka, kao i o drugim neophodnim podacima.

¹ Nakon što bude donesen Plan i program obuka CHJ MFT BiH iz oblasti finansijskog upravljanja i kontrole u institucijama BiH za 2025. godinu, isti će biti objavljen na internet stranici MFT BiH u dijelu koji se odnosi na CHJ.

Član 7.
(Bodovanje obuka kao KPE)

Navedene obuke bit će bodovane kao kontinuirana profesionalna edukacija internih revizora u institucijama BiH, u skladu s odredbama člana 5. stav (9) Odluke, a u pozivu za svaku obuku bit će naveden broj bodova kontinuirane profesionalne edukacije koji nosi svaka od konkretnih obuka iz čl. 4. i 5. pojedinačno.

Član 8.
(Bodovanje od strane Agencije za državnu službu)

- (1) Centralna harmonizacijska jedinica Ministarstva finansija i trezora BiH će, u skladu s članom 31. Odluke o načinu provođenja obuke državnih službenika u institucijama Bosne i Hercegovine („Službeni glasnik BiH“, broj: 15/17), Agenciji za državnu službu BiH dostaviti sve relevantne podatke u vezi s planiranim obukama radi utvrđivanja broja kredita.
- (2) Centralna harmonizacijska jedinica Ministarstva finansija i trezora Bosne i Hercegovine dostavit će polaznicima obuke informaciju Agencije za državnu službu BiH o utvrđenom broju dodijeljenih kredita za predmetnu obuku.

Član 9.
(Obaveze izvođača obuka - instruktora)

Izvođači obuka - instruktori za navedene obuke dužni su:

- držati se tema obuke i preporuka Centralne harmonizacijske jedinice Ministarstva finansija i trezora BiH u vezi sa sadržajem obuke,
- pripremiti i dostaviti adekvatnu prezentaciju u .pptx formatu (*Power Point*) i
- stručno, kvalitetno i profesionalno provesti obuku za koju su zaduženi.

Član 10.
(Naknade izvođačima obuka – instruktorima)

- (1) Angažirani eksterni izvođači obuka - instruktori imaju pravo na naknadu za svoj rad na obukama u iznosu od 50,00 KM za jedan školski sat, u skladu s članom 16. stav (1) tačka a) Odluke o načinu provođenja obuke državnih službenika u institucijama BiH, ukoliko ista bude održana u učionici. U slučaju da obuka bude održana u formi vebinara, izvođači obuke ostvaruju pravo na naknadu za jedan školski sat, u skladu s članom 16. stav (1) tačka f) pomenute odluke, u iznosu od 80,00KM.
- (2) Izuzetno od stava (1) ovog člana, direktor CHJ MFT BiH može posebnom odlukom definirati i drugačije utvrđeni iznos naknade za angažiranje eksperata specifičnih znanja za realizaciju obuka iz ovog plana.
- (3) Centralna harmonizacijska jedinica Ministarstva finansija i trezora BiH će sa svakim angažiranim eksternim instruktorom zaključiti ugovor o djelu/privremenim i povremenim poslovima.
- (4) Sredstva za ove naknade teretit će budžet Centralne harmonizacijske jedinice Ministarstva finansija i trezora BiH za 2025. godinu.

Član 11.
(Odstupanje od Plana i programa obuka)

Centralna harmonizacijska jedinica Ministarstva finansija i trezora BiH zadržava pravo na odstupanje od tema i vremenskog okvira za održavanje obuka u slučaju nepredviđenih okolnosti koje mogu imati značajan uticaj na ovaj plan.

Član 12.
(Stupanje na snagu)

- (1) Plan i program obuka za interne revizore u institucijama Bosne i Hercegovine za 2025. godinu stupa na snagu danom donošenja.
- (2) Plan i program obuka za interne revizore u institucijama Bosne i Hercegovine za 2025. godinu bit će objavljen na internet stranici Ministarstva finansija i trezora BiH, u dijelu koji se odnosi na Centralnu harmonizacijsku jedinicu www.mft.gov.ba.

DIREKTOR

Njegoš Pavlović, s.r.

Dostaviti:

- Odsjek za razvoj sistema interne revizije,
- Odsjek za poslove edukacije, pravne, finansijske i informacione poslove,
- Internet stranica CHJ MFT BiH i
- a/a.